

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 79 del 17/01/2024

Traduzione in mòcheno

"Van òll bèlt, s dorf", der schraibbèrk

[Mòcheno] “Van òll bèlt, s dorf” ist an kreativ ont sèlberbiografik schraibbèrk, puntn en an kultural pahalter van platz va bou as men kimp, as keart en òlla de trentiner ont en de sèlln as stòmmen van trentiner en auslònt. Der projekt kimp envire trong van UMST ouberregiar van kulturalpahalter va de Provinz, zòmm pet deTrentinische Village Bèlt.

S kimp gamòcht ver zeichen toalnemmer, der workshop ist organisart en vinf trèffen online òll oa’n tauert zboa stunden, as de barn kemmen gamòcht va um òhta finz um zeichena zobenz, òll pfinsta va de 29 van hourneng finz as de 28 van merz. S bart se hòltn an trèff online ver za stelln vour pesser der Bando as de 17 van genner 2024 um 20.30.

De toalnemmer miasn guat kennen klòffen ont schraim s balsch. Benns de vrong barn sai’ mearer abia de platz bart kemmen vourganommen de sèlln as pesser schraim ont de sèlln as stea’ en de innbendege platz van trentin. Benns bart hom glaicha situazioni barts kemmen gamòcht a selezion pet tèckstn as barn kemmen tschickt van a kommission toalganommen van schraiber Valerio Millefoglie zòmm pet de Emanuela Rollandini ont de Lucia Cella, viarer van UMST ouberregiar van kulturalpahalter.

En de vinf zòmmtrèffen online barn se derzua leing òndra trèffen pet de lòntschòft vourstea’ner ont pet kultural auskenneta lait van trentin, as barn kemmen vourtschbunnen ont organisart bail de schraibbèrk.

De tèckstn as barn kemmen tschrim bail de schraibbèrk barn kemmen zòmmklaup ont gadruck en a puach “Van òll bèlt, s dorf. Viarn durch a roas en de platz as ber trong ens innbende”.

De vrong miasn kemmen tschickt vour zamitto va de vinva van hourneng 2024 en adrèss email:

emanuela.rollandini@provincia.tn.it

Ver za nemmen toaln en vourstelltrèff online miast men se u’ mèlln as de plòtt Trentinische Village Bèlt

<https://mondotrentinovillage.it/>

Derzua de vrog za nemmen toal

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)